



手稿 12  
3065 6

宋呂仁傑曰 健

並傳弓以健設健也



御纂周易述義卷之六

天行健君子以自彊不息。

大象

乾象爲天兩乾相重有天行一日一周而日日一周之象運行無窮萬古不息何健如之健者誠也所謂誠者天之道也體乾之君子以天行爲行一心之中天理流行有一毫人欲之間則息矣克己貴彊爲仁由己貴自彊自彊則健在我而與天同其不息不息亦誠也所謂誠之者人之道也自彊又象乾道之健不息象乾上有乾大象六十四卦皆言以所以教人體易而用之之法也。

潛龍勿用。陽在下也。見龍在田。德施普也。終日乾乾。反復道也。或躍在淵。進无咎也。飛龍在天。大人造也。亢龍有悔。盈不可久也。用九。天德不可爲首也。小象

陽德也。下位也。在下時也。爻之蘊不見。此三者蓋以發凡也。此與坤初首揭陰陽二字。明易之大義。所謂乾坤爲易之門也。陽氣著見於地。而普及於物。如聖人雖未見用於世。而德化及物。其施已普也。反復道。謂行道已竟。又反復於已行之道。而再行之。一乾既終。一乾又始之象也。進无咎。言進亦无咎。而君子不輕於進。寧在淵也。造猶作也。龍飛

而在天。猶大人作而居位。上居盈位。盈不可久。是以有悔。不自居其盈。則可久也。六龍之德。皆天德。本无首也。歲首春而春陽生於子初。月首朔而朔氣潛於始魄。用九者。全體天德。循環不已。所謂動靜無端。陰陽無始者也。故曰天德不可爲首。卽聖人所乘。六龍以御天之能事。

地勢坤。君子以厚德載物。

天以神用。故言行。地以質用。故言勢。坤象爲地。兩坤相重。一下一上。象地形高下之相仍。乃其勢之自然也。君子法之。以厚德載物。地載萬物。順萬物

而無私厚薄。君子載物順萬情而無偏好惡。敦龐淳固。無一物而不容受承藉之。是體坤之德以爲德者也。馮當可曰。法坤以厚德。法重坤以載物。天地民物之責。聖賢道學之傳。非德之厚孰能載之。履霜堅冰。陰始凝也。馴致其道。至堅冰也。六二之動。直以方也。不習无不利。地道光也。含章可貞。以時發也。或從王事。知光大也。括囊无咎。慎不害也。黃裳元吉。文在中也。龍戰于野。其道窮也。用六永貞。以大終也。

陰陽不可相無。始能順則化而生物。其始不順則

凝而殺物。當凝之始。其陰甚微。積漸而成於不覺。馴致者狎至而易入。不至於堅冰不已。蚤辨者辨諸此也。陽動陰靜。六二順以承乾。乾動也直。坤順之而動。亦无不直。方者地道之本。然爲方必由於直。二承乾之直。故曰直以方。不習者。不固於習也。陽明陰暗。固於習則暗。不固於習則光。故曰地道光。章言含者。積中不露。非一於不發也。發以時而貞在含。故曰含章可貞。以時發也。至或從王事。則坤作承乾。乃其時之當發。知自光顯而博大也。有咎則不能寡過而害。有譽則有意近名而亦害。當

周易述義 卷之六  
閉塞之時。而以順爲道。則不害也。五有中順之美。積於中。斯有黃裳之美形於外。曰文在中。言其非由外飾。坤爲文。五居中之象也。道即馴致其道。初六陰之微。故戒其長。上六陰之極。故著其窮。陰爲小。陽爲大。用六永貞。坤分體於乾。以合乾爲終。六分用於九。以合九爲終。故曰以大終。陽无首。陰无終。終始循環而无端。造化之妙用也。

雷電屯。君子以經綸。

坎水在下爲雨。在上爲雲。雲布雷作。而雨未成。陰陽之氣。結塞未通。所以爲屯。天下方屯。羣情盲晦。

庶政敝壞。千緒萬端。棼如亂絲。君子治之。先振總綱。次及條理。所謂經綸也。經者。分理其緒。綸者。比合其類。經之綸之。非得其人不可。彖所以云利建侯也。陳氏曰。當此時。當以建侯。則可。若以利建侯。則反失其利。故曰利。非利也。雖盤桓。志行正也。以貴下賤。大得民也。六二之難乘剛也。十年乃孚。反常也。卽鹿无虞。以從禽也。君子舍之。往吝。窮也。求而往明也。屯其膏。施未光也。泣血漣如。如何可長也。

盤桓居貞。雖未有作爲。而志行已正。且有下賤之誠。能大得民。是可建以爲侯也。以震侯之貴下坤。

民之賤故曰以貴下賤二乘初剛不能應五故有多難之變十年乃孚正交方合而得乃復反其常矣貪禽故无虞而猶漫往往往則羞吝自取困窮不如舍之爲愈也求初以輔五哲於知人者也四互艮下濟有明象五與初不相應四弗求而二弗孚佐理無人雖有膏澤不能光大其施者也上窮則變變則通屯難已極何可長處當思所以變通之矣

山下出泉蒙君子以果行育德

水在山下爲始出之泉其源靜深而有本其流壅

闕而未達如人之童稚天良內具而鬱滯未通故其象爲蒙君子體之以果決其行涵育其德行謂身之所行德謂心之所得其動也勇於義以毅其行象內泉之涓滴而決導其流於外也其靜也主於敬以養育其德象外山之包藏而渟涵其源於內也果行體坎之剛中育德體艮之靜止利用刑人以正法也子克家剛柔接也勿用取女行不順也困蒙之吝獨遠實也童蒙之吉順以巽也利用禦寇上下順也

刑卽法也以師之正爲儀型而法之也二有剛中

之賢而五以柔中接之。所以能成克家之功也。有震之行無坤之順。故曰行不順。三與五皆互坤。五順而三不順者。五得中而三失位也。易以陽爲實。陰爲虛。四陰爻陰位。承乘皆陰。於二隔三。則色之所不及。於上隔五。則擊之所不加。故曰順以巽。利用禦寇。則擊之正。所以包之。故上順下而下亦順上也。

雲上於天。需君子以飲食宴樂。

雲者水氣之升。雲上於天。則陰陽交而雨可待矣。

需之象也。君子涉世修其在己。俟其在天。凡一飲天一食。無非俟命於天之具。是以安其身而無所營作。樂其心而無所憂慮。飲食則素其位。而宴樂則不願乎外也。坎酒食而互兌口。飲食之象。乾陽舒而互兌說。宴樂之象。

需于郊。不犯難行也。利用恒。无咎。未失常也。需于沙。衍在中也。雖小有言。以吉終也。需于泥。災在外也。自致寇。敬慎不敗也。需于血。順以聽也。酒食貞吉。以中正也。不速之客來。敬之終吉。雖不當位。未大失也。險難在前。居易在我。不至犯難而行也。乾初以勿

用爲常。未失常者。未失其勿用之道也。行有平義。二需於沙。外險而內自平。故曰行在中也。以吉終。正所謂利涉大川。往有功者。災在外。言已近也。坎雖爲寇。然非坎逼乾。乃乾之進而逼坎。故曰自我致寇。能敬慎則不敗。相時而動。臨事而懼之謂也。

順以聽。順下三陽也。互離有順象。五以中正主一卦之需者也。柔順而能敬。三陽之進。雖不當於主位。而由其能敬。則亦不致失於客意也。

天與水違行。訟君子以作事謀始。

天一生水。乾坎一氣而同方。及麗於形。天上浮水。

下注天西轉。水東流。其行相背。是違行也。其始也。西北同方。其違也。天淵懸隔。始於相得而終於相失。訟之象也。君子觀此。則知訟所由起。皆始之不慎。有以致之。於乾知而得其事。始於坎心而得其作謀。理明於素。則爭心不生。慮周於先。則爭端不起。作事謀始。斯不致終之相違。而訟端絕矣。不永所事。訟不可長也。雖小有言。其辯明也。不克訟。歸逋竄也。自下訟上。患至掇也。食舊德。從上吉也。復即命。渝安貞。不失也。訟元吉。以中正也。以訟受服。亦不足敬也。

初爲訟。端故以不可長爲戒。應四互離。故其辯明。通釋爲竄。遁亡自全。則免於患。不然則自下訟上。禍患之至。如掇拾而取之矣。陰以從陽爲德。故以從上爲食舊德。四能安貞。於己爲無失也。爾身克正。罔敢不正。民心罔中。惟爾之中。所謂使民無訟者如此。吉孰大焉。以訟受服。不櫬亦不足敬。況必櫬乎。

地中有水。師君子以容民畜衆。  
地中有水。水藏於地。無地無水。猶兵藏於民。無民匪兵。皆伏險於順之義。師之象也。水居地中。容而

善畜。君子法之。不容無以得天下之心。不畜無以制天下之命。古者寓兵於農。後世雖不可行。然藏兵於民。有兵之利而無兵之害。亦猶藏水於地。有水之利而無水之害。此義不可不知。而顧畏民唇。載舟覆舟之戒。聖人蓋三致意焉。

師出以律。失律凶也。在師中吉。承天寵也。王三錫命。懷萬邦也。師或輿尸。大无功也。左次无咎。未失常也。長子帥師。以中行也。弟子輿尸。使不當也。大君有命。以正功也。小人勿用。必亂邦也。  
失律。卽否藏之謂。二得五應。五能順天。故二亦承

天寵也。三錫之命。不以威而以懷。王者用師之本心也。二陽爲大。以衆主之。則二無成功。故曰大无功。知難而退。未失師之常道也。二五以中相應。二以剛中之道。而行師。使之當也。若以弟子而尸長子之任。則所使不當矣。師以正行。則功無不正。故曰以正功。嚴小人之用。則亂本永弭矣。

地上有水比。先王以建萬國。親諸侯。

水在地中。隱而相忘。水在地上。顯而相附。水上妃也。物無親於是者。故爲比。地上之水。散則萬。合則一。如萬國之民。各比於一侯。又如萬國之侯。共比

於一王。是以古先王封建萬國。親撫諸侯。與天下交相親比。如身使臂。臂使指。小大相維。順以聽命。水地之相親比。何以過是。坤爲衆爲土。萬國象。諸風侯分布其上。地上之水之象。

比之初六。有他吉也。比之自內。不自失也。比之匪人。不亦傷乎。外比於賢。以從上也。顯比之吉。位正中也。舍逆取順。失前禽也。邑人不誠。上使中也。比之无首。无所終也。

比吉之義。初順備之。故終致有他之吉。二反求諸內。自無所失。而後可比於人也。比之匪人。則无首

之凶。不特在上而亦在三。故以爲傷。五有剛中之德。故稱賢。從上謂從五也。比之尊位在五。德又正中。故有顯比之吉。不強人之必從。而人自無不從。故曰舍逆取順。失前禽也。不誠在邑人。非下之中。自爲之。乃上之中實使之也。在上爲首。又爲終。故

爻曰无首。象曰无终。

風行天上。小畜。君子以懿文德。

巽在天。象風。在地。象木。天無處不在。無所謂上下。曰上下者。姑以人目力所及而分上下耳。風行天上。有氣而無質。有聲而無實。能畜物而不能久畜。

小畜之象。君子體之以懿美其文德。如容儀之溫恭。言辭之和婉。皆柔淑粹美。足以爲德之文飾。猶風行天上。舒卷雲霞而為文。然未能厚積而遠施也。是所蘊蓄者小也。懿取巽體柔順之象。德取乾體剛健之象。文取互離文明之象。

復自道。其義吉也。牽復在中。亦不自失也。夫妻反目。不能正室也。有孚惕出。上合志也。有孚惠心。不獨富也。既雨既處。德積載也。君子征凶。有所疑也。

復所當復。於義爲吉。二有在中之德。故與初同其復。不自失者。不失於陰也。不能正室。咎。三之自失。

其道不如初與。二之復也。四上合五。中而後畜。健與四共之。所以能成畜也。巽順之德。以漸而積。滿乾車之載也。小畜陰道。故要終。以有疑爲戒。

上天下澤。履君子以辨上下。定民志。

水瀦而不流者爲澤。地之上有天下。有澤人在其中。履也。澤水於地爲最下。上極於天而下訖於澤。其爲上下也。判乎遠矣。君子觀此象。分別上下之分。以示民。則俾民志有定而無僭踰。上者如天下者。如澤。天澤之位昭然。是爲上下之辨。其分截然。

辨當作

是爲民志之定。志定於中。足之所投無弗定矣。是爲君子之履。辨上下者乾之斷。定民志者兌之說。小畜巽風行天之上。披拂成章。故象文履。兌澤在天之下。高卑有等。故象禮。

素履之往。獨行願也。幽人貞吉。中不自亂也。眇能視。不足以有明也。跛能履。不足以與行也。咥人之凶。位不當也。武人爲于大君。志剛也。愬愬終吉。志行也。夬履貞厲。位正當也。元吉在上。天有慶也。

獨行其願。無所慕於外而往也。無應故曰獨。富貴貧賤。所履不同。而幽人之心自若。故曰中不自亂。

視不能明。行不能遠。又居不當位。是以履虎尾而逢咥也。惟志從九五之剛。如以武人而效命於大君之事。則得悅而應乾之道矣。四健而敬。其才能勝。其志得行也。履位以五爲正。於應乾之說爲當。而猶有貞厲之戒。此所以履帝位而不疚也。與履終而元吉。斯大有慶矣。

天地交泰。后以裁成天地之道。輔相天地之宜。以左右民。

乾上坤下。爲天地之位之定。坤上乾下。爲天地之氣之交。乾陽不可無陰。坤陰不可無陽。必二氣交

通於上下。而後爲泰人君參贊於其中。亦必有以交通之。而後納民於泰也。渾然而全者。天地之道。后爲裁制而成之。使民莫不交修其道。以爲道截然而分者。天地之宜。后爲輔助而相之。使民莫不交盡其宜。以爲宜。以左右民。民之情達於上。左之右之之德。至於下。交泰之治。所以成也。民坤象。左右互震兌之象。

拔茅征吉。志在外也。包荒得尚于中行。以光大也。无往不復。天地際也。翩翩不富。皆失實也。不戒以孚。中心願也。以祉元吉。中以行願也。城復于隍。其命亂也。

志在外。謂應陰也。陰爲民。君子在內。則思及乎民也。九二剛中。有光大之德。所以能包荒而配合中行之德也。天地之極際。在三四之交。故以平陂往復爲戒。陽實陰虛。故以不富爲失實。陰下孚陽。其中心同以爲願也。坤順從乾。五又得中。以行所願。所謂上下交而其志同也。天命靡常。治必有亂。遂致復隍。保泰之君子。所貴治之於早也。

天地不交否。君子以儉德辟難。不可榮以祿。

天不下濟。地不上行。萬物閉塞而不通。天地之否也。澤不下流。情不上達。上下隔絕而不通。世道之

否也。天地閉則賢人隱。君子於此惟當閉藏以順天地之道。愈收斂。愈堅貞。不露聲華。以儉約其德。而辟免禍難。雖欲榮之以祿。而不可。夫能爲不可榮之人者。乃能爲不可辱之人也。儉德辟難。不與天害交。不可榮以祿。不與利交。法天地不交之象。坤吝嗇。爲儉德。互巽行權。爲辟難。祿卽乾之天祿。互艮止。爲不可榮。

拔茅貞吉。志在君也。大人不亨。不亂羣也。包羞。位不當也。有命无咎。志行也。大人之吉。位正當也。否終則傾。何可長也。

志在君以從乾爲貞也。君子於小人有羣之時。無亂之日。三不中不正。不當其位。故包羞志行濟否之志得行也。三剛皆濟否之君子。而五位獨正當。是爲聖人大寶之位。否無可長之理。否終則傾。豈不係乎人哉。

天與火同人。君子以類族辨物。

先天乾位。卽後天離位。天純陽。火生於陰而成於陽。故天以日爲明。以火爲用。是以天與火可以言同。天上運火上炎。不同其物而同其性。亦猶人之與人。不同其道而同其趨也。故曰同人。君子法之。

以類其族。辨其物。天之所生。各族殊分。法乾覆之無私者。於殊分之族而類聚其所同。異中之同也。火之所及。萬物均照。法離之有別者。於均照之物火而辨析其所以異。同中之異也。同其所不得不不同。異其所不得不異。所以爲同之大也。

出門同人。又誰咎也。同人于宗。吝道也。伏戎于莽。敵剛也。王歲不興。安行也。乘其墉。義弗克也。其吉。則因而反則也。同人之先。以中直也。大師相遇。言相克也。同人于郊。志未得也。

出門則于野之漸也。同所當同。誰其咎之。同于野

周易卷之六  
爲亨。故同于宗爲客之道。敵剛。謂枝五而成敵也。  
安行。謂安于五之乾行。其弗克也。非力不足。義弗  
勝也。反則。謂反而則五之中正。乾動也。直。五得中  
而理直。所以先之號咷也。相克。猶言相能。不特五  
之同人。人亦盡能同於五矣。于野。上之心。于郊。上  
之勢。故於道无悔。於志未得。

火在天上。大有君子。以遏惡揚善。順天休命。

離爲日。爲火。火麗於物。以爲體。不能麗於空。以爲  
明。火在天上。則曰地。大明中天。萬物皆相見。如天  
子當陽。四海皆富有也。故爲大有。所有既大。無以

治之。恐有釁孽之萌。君子遏止人之惡。顯揚人之  
善。以順天休美之命。天命善善而惡惡。故討有罪  
曰天討。命有德曰天命。遏之揚之。皆惟天所命。而  
聖人無與焉。此所以應天時行。而成保有之治也。  
遏揚之權。與火合。休命之順。與天合。

大有初九。无交害也。大車以載。積中不敗也。公用享  
于天子。小人害也。匪其彭无咎。明辨哲也。厥孚交如。  
信以發志也。威如之吉。易而无備也。大有上吉。自天  
祐也。

初九在下。未與物接。所以未涉于害也。重積者易

敗德厚積而中有容可以任重而不敗矣。小人處有則反爲害。四居離明之始所以辨而能哲也。五之爭于上下者有天然之信。發人之志意。天然之王威。不由乎戒備也。上下應之曰大有。上應五者也。大故自天祐也。

地中有山謙君子以裒多益寡稱物平施。

山在地土而其本在地中。地中有山。山之本也。山藏其本而見其末。以高下下。以卑蘊高。謙之象也。君子盛德之至。雖有勞有功。而自無上人之心。責己惟恐不厚。待人惟恐其薄。多者衰之。自視不見

其有餘。寡者益之。視人不見其不足。若此者所以稱量物之不齊而平其施。如損山之高益地之卑。以趨于平而已。坤艮二土。其德博厚而皆平。有平施象。

謙謙君子。卑以自牧也。嗚謙貞吉。中心得也。勞謙君子。萬民服也。无不利撝謙。不違則也。利用侵伐。征不服也。嗚謙志未得也。可用行師。征邑國也。

初位最卑。牧卽牧牛羊之牧。馴服于卑者也。二之嗚謙。由于中心所自得。非以聲音笑貌僞爲于外也。陰爲民衆。陰歸之。故曰萬民服。四承五而乘三。

故以撫謙爲不違則。宜服而不服。故征以正其罪。曰。征不服。則非干戈妄動者矣。位處乎上。非其志之所安。故曰志未得。奉王命以行師。所征止于邑國。而毋敢侵伐。亦謙之義也。

雷出地奮。豫先王以作樂崇德。殷薦之上帝。以配祖考。

雷在地中。聲閉氣鬱。及其出地。奮發而有聲。則其氣通達而和暢。豫之象也。樂由陽來。震雷發動之聲也。故先王以之作樂。德以樂彰。坤厚積累之功也。故先王以之崇德。言作一代之樂。以發揚祖考

之德而尊崇之也。殷盛也。盛祭至于薦上帝配祖考。由其順動之德通乎神明。故能以萬國之豫爲祖考之豫。而配乎上帝。豫孰大焉。帝出乎震。震在上。爲上帝之象。互艮爲門闕。互坎爲隱伏。有宗廟祖考之象。

文晉子叔良五林却雷蠻子累姑曰

初六鳴豫。志窮凶也。不終日貞吉。以中正也。盱豫有悔。位不當也。由豫大有得。志大行也。六五貞疾乘剛也。恒不死。中未亡也。冥豫在上。何可長也。

恃所應而志意驕滿。則時位未窮。而志已先窮矣。故凶。二貞于中正之道。所以能介如石也。六三雖

陰其位則陽。故有能悔之意。陽爲大。震爲行。四得上下之應。故其志得大行也。五乘四剛。爲其所逼。而心有病。以得中故未亡。何可長釋。成有渝之義。蓋許其能變也。

澤中有雷。隨君子以嚮晦入宴息。中五爻。相對。互雷發聲于春。收聲于秋。兌正秋時。雷藏于澤。故曰澤中有雷。水動而常流者也。澤中之雷。則止而不流。雷動而有聲者也。澤中之雷。則靜而無聲。以雷之動隨澤而靜。故爲隨君子法之。晝則動以勤其事。夜則靜以安其身。故嚮晦入居於內。而宴安休。

息所以隨時也。天心震動之生機。涵于雷。人心震動之生機。涵于息。是故以形息者。聖愚所同。以心息者。君子所獨也。震東方。日出暘谷之鄉。兌西方。日入昧谷之鄉。由震趨兌。嚮晦之象。互巽爲入。互艮止爲宴息。

官有渝。從正吉也。出門交有功。不失也。係小子。弗兼與也。係丈夫。志舍下也。隨有獲。其義凶也。有孚在道。明功也。孚于嘉吉。位正中也。拘係之。上窮也。

隨之爲義。以得正爲善。初渝而獲吉。以所從者得正。正則不失而有功矣。隨無兩兼之理。二係三則

失初。故謂之弗兼與。三係四失二。專志上異。故曰志舍下。四惟明。故有功。五得尊位而居正中。故能與二之中正相孚也。上窮于無所往。守正而已。拘系之。又從維之。守正之則也。

山下有風。蠱君子以振民育德。

風之在天上與地上水上者。皆行而無阻。山下有風。則爲山所阻。旋轉而不暢。蟲者風之族也。故風字從蟲。風鬱。則山木滯溼。而蟲生。蠱之象也。飭蠱之君子。以之振起其民。養育其德。民不振。則風俗皆窳。而有蠱。振民者。取風在下。而振動山木之象。

德不育。則人心惑亂。而有蠱。育德者。取山在上。而涵育風氣之象。夫蠱之時。百廢未舉。而獨先民德。聖人施爲氣象。亦可見矣。

幹父之蠱。意承考也。幹母之蠱。得中道也。幹父之蠱。終无咎也。裕父之蠱。往未得也。幹父用譽。承以德也。不事王侯。志可則也。

初以巽柔居剛位。先意承志。默默感孚。故曰意承考。二居巽體。柔位之中。如子服母事。以剛巽柔。得乎幹治之中道者也。所失小。所全大。故曰終无咎。不幹而裕。以是而往。未爲得也。五有剛柔適中之

德故能幹父而用譽。蓋不承以才而承以德也。高尚其事。如孟子居仁由義。尚志之事。非以放情物外。爲高尚己也。故曰志可則。

澤上有地。臨君子以教思无窮。容保民无疆。不曰地下有澤。而曰澤上有地。主澤言臨也。澤之渟蓄。能盡地皆在浸潤中。故稱有地。君子以教思无窮。不徒曰教。而必曰思。如澤之漸入于地中。无有窮已之時也。容保民无疆。不徒言容。而又言保。如地之四周于澤外。无有疆域之限也。无窮象澤之深。无疆象地之厚。上下之情接。君民之分親。是

君子之臨也。

咸臨貞吉。志行正也。咸臨吉。无不利。未順命也。甘臨位。不當也。既憂之。咎不長也。至臨无咎。位當也。大君之宜。行中之謂也。敦臨之吉。志在內也。

初咸以正。四應以正。正己而物正者也。故曰志行正。互震爲行也。二剛中而應。無心之感。非順命之說也。三以陰柔而居不正。故爲甘臨。剛浸而長。則三亦將爲剛矣。故其咎不長也。四以陰居陰。下順行正之賢。故曰位當。五虛中以行二之中。所以爲知之大也。上與四五同體。于初二不當應位。故但

以志言之。

風行地上觀。先王以省方觀民設教。

天有八風。隨方而異。皆天之所以鼓萬物者。萬物因風而變化。故風行地上。有觀象。先王以省察四方。隨其地觀其俗。因其情設其教。如風之吹萬竅而成聲。而非有意設施之者。書曰。彰善瘅惡。樹之風聲。省方所至。卽風化所至。過化存神。而四方風動。所謂神道設教也。坤爲土。方象。又爲衆。民象。巽爲申命。設教象。

初六童觀。小人道也。闕觀女貞。亦可醜也。觀我生進

退。未失道也。觀國之光。尚賓也。觀我生。觀民也。觀其生。志未平也。

小人之分。原不可責以遠大之觀。故曰小人道。女子之貞。丈夫之醜也。亦之爲言。因初吝之辭。當進退之時。而能反己以自審。則進不失道。退亦不失道矣。四以道自尚。故能致王者之賓禮也。五通天下之民爲一身。觀民卽所以觀我。詩曰。羣黎百姓。徧爲爾德。是也。下四陰爲民象。以陽居高。下所觀仰。雖不在位。未可忘戒懼。故曰志未平。著其心之不息也。

雷電噬嗑。先王以明罰勅法。

噬嗑以合爲義。雷震必電。電掣必雷。無不相合者。不曰電雷而曰雷電。何也。噬之合。自下合上。電先掣而後雷應之。雷以從電也。故曰雷電噬嗑。先王以明其罰勅其法。明者。辨別精審之意。勅者。整飭嚴微之意。罰者。一時所用之法。法者。平時所定之罰。明而示之。雖愚知避。嚴而勅之。雖悍知畏。明罰取離之明。勅法取震之威。噬嗑明罰勅法。豐折獄致刑。俱以震爲主。刑罰之用。以警衆而使知畏。如雷電之偶。一用耳。德威惟威。德明惟明。噬嗑有焉。

履校減趾。不行也。噬膚減鼻。乘剛也。遇毒位不當也。利難貞吉。未光也。貞厲无咎。得當也。何校減耳。聰不明也。

履校減趾。則不得動而行。以爲惡也。震欲行而艮止之。不行之象。乘初之剛。濟二之柔。故噬易嗑而深噬之也。三居位不當。故治人不治。而有遇毒之吝。以剛直之才。而有難貞之戒者。爻非中正。而未光也。四本明體。而互坎爲暗。爲未光象。得當。言勝其任也。不聰聽。則不明。至于罪大惡極。而有滅耳之刑也。聰明亦離坎之象。

山下有火。賁君子以明庶政。无敢折獄。

麗于物而其燄炎熱者。外灼之火。未麗于物而其氣溫暖者。內蘊之火。山下有火者。山下有此溫暖之氣蘊藏于內。則山上之草木。賁然有光華。書曰。賁若草木。是也。故爲賁君子法之。以明庶政。典章制度。燦然若草木之敷榮。以成文明之治。至于折獄。貴乎得情。不尚文飾。曰。毋敢者。敬慎之至。不以察察爲明也。明庶政者。離之明。无敢折獄者。艮之止。

舍車而徒。義弗乘也。賁其須。與上興也。永貞之吉。終

莫之陵也。六四。當位疑也。匪寇婚媾。終无尤也。六五之吉。有喜也。白賁无咎。上得志也。

君子在下。以守義爲賁。故寧舍車而徒步。柔從剛而動。與三同興起也。互震有興象。三坎體易陷。惟永守其剛正。終莫得而陵侮之也。四所當之位爲可疑。然與初正應。始疑終合。復何尤哉。四居震艮之間。有疑象。柔來剛上之主。至是交慶其成。安得无喜乎。白賁在上。則反於質素。而下無不化矣。故曰上得志也。

山附於地。剝上以厚下安宅。

山者形峙地上。根蟠地中。言附於地。則下朽蝕而上傾圮。山將夷爲地矣。故謂剝下謂民也。宅謂君之所居也。民在下爲君之基。猶地在下爲山之基也。地基厚則山安於上。民基厚則君安於上。故居上者厚其下。所以安已之宅也。曰厚則植根深。而與附者異矣。曰安則高不危。而與剝者異矣。厚如坤之厚。安如山之安。

剝牀以足。以滅下也。剝牀以辨。未有與也。剝之无咎。失上下也。剝牀以膚。切近災也。以宮人寵。終无尤也。君子得輿。民所載也。小人剝廬。終不可用也。

蔑貞適。以自滅。無與于上。故曰以滅下。易以陰陽相應。爲有與。二與上不相應。故曰未有與。三獨與上應。失上下。羣陰之類。故无咎也。四最近君位。剝而至於虧矣。其災豈不視牀尤切近乎。无尤。言无姤害。瀆亂之尤。釋无不利之義。君子在上。有以奠安乎民。是民所承戴也。小人而去君子。則自失所庇而已。無以自存。故曰終不可用。夫三云无咎。五云无不利。要終而以不可用絕之。君子小人之辨嚴矣。民與載皆坤象。

雷在地中。復先王以至日閉關。商旅不行。后不省方。

復。十一月之卦。是時天氣正寒。而井泉初溫。陽氣在下故也。入而收聲之雷。不得言在出。而奮地之雷。亦不可言在。惟子半之雷。蘊藏于大地之中。而有回陽大地之力。所謂動而以順行者在此。故雷在地中。有復象。至日。謂一陽初至之日。先王以是日閉關而不通往來。故商旅于是日不行。后于是日不省方。蓋微陽之氣。安靜而後能養。不敢動而泄之也。閉關。坤闔戶之象。商旅者。坤爲衆之象。行者。震爲大塗之象。方者。坤爲國土之象。不遠之復。以修身也。休復之吉。以下仁也。頻復之厲。

義无咎也。中行獨復。以從道也。敦復无悔。中以自考也。迷復之凶。反君道也。

不遠之復。形色皆天性矣。故曰以修身。仁卽初陽。二動不外馳。反求初之不遠。是下附于仁而得吉也。三失而後復。勢雖危厲。然揆之以義。亦无咎也。從道。謂應初。二近初。能見其心。故謂之仁。四遠初。但見其率行之迹。故謂之道。震爲大塗。有道象。考察也。反觀內省之意。自考而動作不離于中。何悔之有。君道在初。自二至五。無有不順。上迷則反之矣。故曰反君道。

天下雷行。物與无妄。先王以茂對時育萬物。

行于天之下而鼓動萬物者。雷也。雷以時行而不妄行。物與雷俱出而不妄出。天下雷行。陽氣普遍。而物不滯于達。物之无妄。視雷之无妄。故曰物與无妄。先王之育萬物。亦體雷行及時之義。茂勉而對越之。對時者。順合天時。育物者。因材而篤。雷震于發生之時。故于震取時。乾元爲資始之本。故于乾取育。

无妄之往。得志也。不耕穫。未富也。行人得牛。邑人災也可。貞无咎。固有之也。无妄之藥。不可試也。无妄之

行窮之災也。

誠無不通。故往而得志。初以有主而實。二以無欲而虛。未富。言未嘗有欲富之心也。陰爻中虛。未富之象。牛爲行人所得。乃邑人之災。然非意所及。反已而无妄。順受之而已。守之固。乃實有諸已。无咎之可貞。惟其固有之也。无妄而藥。將因藥生疾。故不可試。无妄之往。何之。故有窮而取災之象。與乾上窮之災同義。

天在山中。大畜。君子以多識前言。往行以畜其德。天亦積氣耳。六合之內。無處非氣。則無處非天。山

有雷雨雲物可升中于天。故曰天在山中。天至大天也。山以靜虛止而畜之。故曰大畜。前言往行有著見之跡。猶山也。德體淵默清虛。猶天也。因其言而默識其所以言。因其行而默識其所以行。則吾心之德實不外是。德畜于前言往行之中。猶天之在山中。子夏曰。博學而篤志。切問而近思。仁在其中矣。畜德之謂也。

有厲利已。不犯災也。輿說輻中无尤也。利有攸往。上合志也。六四元吉。有喜也。六五之吉。有慶也。何天之衢。道大行也。

知其危而止其行。故不犯災。災謂艮山之阻。一得中。故自說其輶而无尤也。三與上合志。畜而通者也。故利有攸往。四有喜。五有慶。皆以陰陽相得而言之。慶卽喜也。但五君位所畜者大。故曰慶。上爲正主。與下三陽合德。隨其所止。而皆四達之天衢。畜道不大行乎。

山下有雷。頤君子以慎言語。節飲食。

雷聲于震。蟄于乾坎艮。艮東北。冬而未春之交也。山下有雷。陽氣之緘藏者方密。天地所以養萬物也。故爲頤。頤口也。以動而止爲其道。君子體之。慎

其自內出外之言語。所以養德節。其自外入內之飲食。所以養身。言語飲食時動而動。必慎必節。時止而止。君子之山雷也。

觀我朵頤。亦不足貴也。六二征凶。行失類也。十年勿用。道大悖也。顛頽之吉。上施光也。居貞之吉。順以從上也。由頤厲吉。大有慶也。

初爲動主。易動于欲。飲食之人。則人賤之。故不足貴。初上二陽。皆非其應。故曰失類。行震爲行也。道者養正之道。凡易中言大者。皆謂陽。三與上九陽爻。雖應。而道則相拂。是以大悖。四在上。而得其正。

故能取諸人。以養人。便德施光明。其吉可知。光者。良篤實光輝。其道光明也。五以順承上九。以陰從陽。所以爲居貞吉。順坤之順也。陽剛之大。能養己。以養天下。己與人俱有福慶也。

澤滅木。大過。君子以獨立不懼。遯世无悶。

巽在他卦。皆爲風。惟在澤地水火之中。皆爲木。澤水本潤養其木者也。今也高漲而浸滅其木。不亦過甚矣乎。是爲大過之象。當此頽波橫流。鮮不仆且悶者。惟君子以植其節。則獨立而不懼。若木植根之深固。不爲水所飄搖也。以樂其道。則遯世而

无悶。若木生意之融暢。不爲水所浸毀也。非有大過人之力。何以能之。

藉用白茅。柔在下也。老夫女妻。過以相與也。棟撓之凶。不可以有輔也。棟隆之吉。不撓乎下也。枯楊生華。何可久也。老婦士夫。亦可醜也。過涉之凶。不可咎也。初柔在下。以承剛爲事。故以藉用白茅爲象。一與初老少相得。原非正偶。故曰過以相與。三有應于上。上柔不能有輔。三又剛復自用。亦不可以有輔也。不撓乎下。謂不因下之弱而至于撓也。枯楊不壯于根本。而僅美于英華。雖榮不久也。陰欲得陽。

老少非偶。故曰可醜。上才弱不足以濟難。而志存大義。不可咎也。

水游至。習坎。君子以常德行。習教事。

大川之水。朝夕兩至。此言游至。則重疊相仍而至。游。義與游雷震之游同。雷曰游。聲相續也。水曰游。流相續也。卽游水成重險。習坎之象。德行者。德之行。教事者。教之事。始終如一。謂之常。一再不已。謂之習。君子以之治己。則常其德行。如源泉混混不舍晝夜也。以之治人。則習其教事。如江海浸潤。有加無已也。坎剛中。有德行象。水滋益物。有教事象。

習坎入坎。失道凶也。求小得。未出中也。來之坎坎。終无功也。樽酒簋貳。剛柔際也。坎不盈。中未大也。上六失道。凶三歲也。

坎以上行爲道。入窓正與尚行反。故失道而凶。二雖未出險。以得中故求小得。三進退皆險。故終无出險之功也。剛柔際者。五剛四柔相交際而成合也。中未大者。中雖在我。不侈然自大。必敬懼以臻于盡平也。初入險最深。上處險最極。初云失道。拯之于始。上云失道。拯之于終也。

明兩作離。大人以繼明照于四方。

離爲日。重離不曰日。而曰明。天無二日也。明作猶言明發。兩猶再也。日一而已。而且且明作。是爲重離之象。大人者。大德而與日月合其明者也。繼明者。今日之明。繼前日之明。而不絕其明。故能徧照四方。不然耳目所及。且不能照。又安能照于四方之遠哉。詩言緝熙。卽繼明之義。

履錯之敬。以辟咎也。黃離元吉。得中道也。日昃之離。何可久也。突如其来如。无所容也。六五之吉。離王公也。王用出征。以正邦也。

火性炎上。而初勢未張。敬以持之。可以辟咎。二明

而得中。所以元吉。三過中。故昃日。昃而時不久矣。  
笑歌嗟歎。皆非可久之道。無所容。言無所容于世。  
五居尊位。離之王公。所謂繼明而照四方者也。征  
之爲言。正也。非贊武之謂。所以一折首而遂已。程  
子曰。剛明居上之道也。

四爻不然。耳目口鼻。且不謙默。又安復用。則其  
音。今見文。則前日文。由而不謙。其即效。據謙。則  
聽。文舉。大人。素。大聲。而與。自。艮。合。其。則。音。曲。諸。日  
宣。則。通。中。聲。無。此。日。一。而。白。而。且。旦。則。卦。最。爲。重  
聽。人。其。瞻。不。曰。日。而。曰。則。天。無。一。日。也。則。卦。最。

